



XUNTA DE GALICIA
REXISTRO ELECTRÓNICO

Saída 609950 / RX 855672

Data 01/07/2020 13:14:00



NOTIFICACIÓN DA RESOLUCIÓN DO 01 DE XULLO DE 2020, DA DIRECCIÓN XERAL DE PATRIMONIO NATURAL, DUNHA SOLICITUDE DE ACCESO Á INFORMACIÓN PÚBLICA REALIZADA POR [REDACTED]

De conformidade co artigo 40 e concordantes da Lei 39/2015, do 1 de outubro, de Procedemento Administrativo Común das Administracións Públicas, notificólle que con data do 01 de xullo de 2020, a Directora Xeral de Patrimonio Natural ditou unha resolución co texto íntegro seguinte:

“

PROCEDIMENTO: ACCESO Á INFORMACIÓN AMBIENTAL	
Expediente	IAB-016/2020
Solicitante	[REDACTED]
Entidade	Institute of Botany (The Czech Academy of Sciences)
Enderezo a efectos de notificación	[REDACTED]

ANTECEDENTES

- I. Con data do 14.06.2020 tivo entrada no rexistro electrónico da Xunta de Galicia (rexistro de entrada 2020/1082226) unha solicitude presentada por [REDACTED], mediante a que solicita á Dirección Xeral de Patrimonio Natural acceso á información sobre os gastos realizados na xestión das especies exóticas invasoras en Galicia, co obxecto de ser empregada para o análise de forma conxunta cos datos recopilados no resto das administracións españolas e noutros países de fala non inglesa, como parte dos traballos dun proxecto a nivel mundial sobre os custes das invasións biolóxicas INVACOST.

CONSIDERACIÓNS LEGAIS E TÉCNICAS

- I. A Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente (incorpora as Directivas 2003/4/



CE/e-2003/35/CE) define a información ambiental como toda información en forma escrita, visual, sonora, electrónica ou en calquera outra forma que verse sobre distintas cuestións, entre elas o estado dos elementos do ambiente, como o aire e a atmosfera, a auga, o solo, a terra, as paisaxes e espazos naturais, incluídos as zonas húmidas e as zonas mariñas e costeiras, a diversidade biolóxica e os seus compoñentes, incluídos os organismos modificados xeneticamente; e a interacción entre estes elementos.

- II. Esa mesma lei regula no seu Capítulo III do Título II o acceso á información ambiental logo de solicitude. O artigo 10 deste capítulo establece que as solicitudes de información ambiental deberanse dirixir á autoridade pública competente para resolvelas e tramitaranse de acordo cos procedementos que se establezan para o efecto. Entenderase por autoridade pública competente para resolver unha solicitude de información ambiental, aquela en cuxo poder figura a información solicitada, directamente ou a través doutros suxeitos que a posúan no seu nome.
- III. O artigo 13 da Lei 27/2006, do 18 de xullo, regula as causas de excepción á obriga de facilitar a información ambiental por parte das autoridades públicas, entre eles que a solicitude sexa manifestamente irrazoable.
- IV. A Lei 1/2016, do 18 de xaneiro, de transparencia e bo goberno establece no seu artigo 25 que o dereito de acceso á información pública só poderá ser limitado ou denegado nos supostos previstos na normativa básica. Engade ademais, que naqueles casos nos que a aplicación dalgunha limitación non afecte á totalidade da información, e sempre que sexa posible, concederáse o acceso parcial, omitindo a información afectada pola limitación, agás que a información resultante sexa equívoca ou carente de sentido.
- V. Parte da solicitude atópase dentro das causas de inadmisión ou denegación recollidas no artigo 18 da Lei 19/2013, do 9 de decembro, de transparencia, acceso á información pública e bo goberno e artigo 13 da Lei da Lei 27/2006, do 18 de xullo, respectivamente.
- VI. Con data do 26.06.2020, o Servizo de Conservación da Biodiversidade da Dirección Xeral de Patrimonio Natural emitiu un informe sobre a solicitude de información pública, no que se conclúe que se atopa entre os supostos previstos na Lei 19/2013, do 9 de decembro, polo que propón a admisión da solicitude de información recibida e dar acceso á persoa interesada, a parte da información solicitada. Así mesmo, propón inadmitir parte da solicitude de información (datos anteriores ao ano 2016), por atoparse dentro dos supostos previstos nos artigos 18 da Lei 19/2013, do 9 de decembro e 13 da Lei 27/2006, do 18 de xullo.
- VII. Este expediente foi tramitado conforme ao disposto na Lei 39/2015, do 1 de outubro, de Procedemento Administrativo Común das Administracións Públicas.
- VIII. A competencia para a resolución destes procedementos corresponde á directora xeral de Patrimonio Natural, de conformidade co disposto no Decreto 88/2018, do 26 de setembro, polo que





se establece a estrutura orgánica da Xunta de Galicia, no Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia e o Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda.

Por todo o exposto, **RESOLVO:**

Primeiro. Admitir a solicitude de información pública presentada por [REDACTED] o 14.06.2020, ao atoparse entre os supostos recollidos na previstos na Lei 19/2013, do 9 de decembro.

Segundo. Dar acceso á persoa interesada, a parte da información solicitada, en poder da Dirección Xeral de Patrimonio Natural e, en consecuencia, dar acceso á seguinte información ambiental propiedade da Xunta de Galicia, en relación á solicitude formulada:

- arquivo calc (compatible con Excel) coa información correspondente aos investimentos realizados pola Consellería de Medio Ambiente, Territorio e Vivenda en prevención, contención, manexo, control e erradicación, así como en divulgación e investigación sobre especies exóticas invasoras, durante o período 2016-2020, relativa á especie, localización, período, entidade financiadora, custo (€), tipo de custo e ámbito das actuacións realizadas.

Á vista do establecido no artigo 17.2.d) da Lei 19/2013, do 9 de decembro de transparencia, acceso á información pública e bo goberno, a información faráselle chegar á persoa interesada empregando a conta de correo electrónico que ten indicado na súa solicitude.

Cos seguintes condicionantes:

- I. Esta autorización é persoal e intransferible.
- II. Non se autoriza a difusión e a cesión a terceiros da información achegada, sen a autorización expresa da Dirección Xeral de Patrimonio Natural.
- III. Esta autorización expídese no ámbito de competencias da Dirección Xeral de Patrimonio Natural, e non exime á persoa interesada de calquera outra autorización ou obrigá que poida ser necesaria para a realización das actuacións e do cumprimento doutras disposicións establecidas pola normativa sectorial correspondente.

Terceiro. Inadmitir parte da solicitude de información (datos anteriores ao ano 2016), por atoparse dentro dos supostos previstos nos artigos 18 da Lei 19/2013, do 9 de decembro e 13 da Lei 27/2006, do 18 de xullo.

Contra esta resolución, que non finaliza a vía administrativa, poderá interpoñerse un recurso de alzada ante a conselleira de Medio Ambiente, Territorio e Vivenda, no prazo dun mes, contado a





partir do día seguinte ao da súa notificación, de conformidade cos artigos 121 e 122 da Lei 39/2015, do 1 de outubro, de Procedemento Administrativo Común das Administracións Públicas.”

Asinado dixitalmente

A subdirectora xeral de Biodiversidade e de Recursos Cinexéticos e Piscícolas

Susana Cuesta Fariña

Asinado por: CUESTA FARIÑA, SUSANA EVA
Cargo: Subdirectora Xeral de Biodiversidade e de Recursos Cinexéticos e Piscícolas
Data e hora: 01/07/2020 11:15:54

